



# Կենսաթոշակային նպաստներ

## Բովանդակություն

Social Security և Ձեր կենսաթոշակային ծրագիրը	1
Ձեր կենսաթոշակային նպաստները	2
Մտացեր Ձեր անհատականացված կենսաթոշակային նպաստների նախահաշվարկը	3
Հետաձգված թոշակի անցում	4
Ընտանեկան նպաստներ	5
Ինչ է պետք իմանալ, երբ իրավունակ եք կենսաթոշակային նպաստների համար	7
Մի փոքր Medicare-ի մասին	10
Ե՞րբ է հարկավոր դիմել Medicare-ի համար:	10
Կապ Հաստատել Սոցիալական Ապահովության Ծառայության հետ	12

## Social Security և Ձեր կենսաթոշակային ծրագիրը

Social Security կենսաթոշակային ծրագրի մի մաս է գրեթե յուրաքանչյուր ամերիկացի աշխատողի համար: Եթե Դուք Social Security-ի կողմից ապահովագրված 96 տոկոս աշխատողների մեջ եք, Դուք պետք է իմանաք, թե ինչպես է աշխատում համակարգը: Դուք պետք է իմանաք նաև, թե որքան կստանաք Social Security-ից թոշակի անցնելու դեպքում: Այս գրքույկը բացատրում է

- Ինչպես եք որակավորվում Social Security նպաստների համար,
- Ինչպես Ձեր եկամուտներն ու տարիքը կարող են ազդել Ձեր նպաստների վրա,
- Ինչ պետք է սկստի ունենաք, երբ որոշում եք, թե երբ թոշակի անցնել, և
- Ինչու չպետք է հույսը դնեք միայն Social Security-ի վրա Ձեր թոշակային բոլոր եկամուտների համար:

Social Security կենսաթոշակային նպաստների մասին այս հիմնական տեղեկությունները նախատեսված չեն պատասխանելու բոլոր

Ձեր հարցերին: Ձեր իրավիճակի վերաբերյալ մասնավոր տեղեկությունների համար գրուցեք Social Security ներկայացուցչի հետ:

## Ձեր կենսաթոշակային նպաստները

### Ինչպե՞ս որակավորվել կենսաթոշակային նպաստների համար:

Երբ Դուք աշխատում և վճարում եք Social Security հարկերը, Դուք “միավորներ” եք վաստակում Social Security նպաստների համար: Կենսաթոշակային նպաստներ ստանալու համար անհրաժեշտ միավորների քանակը կախված է Ձեր ծնված տարուց: Եթե Դուք ծնվել եք 1929 կամ ավելի ուշ, Ձեզ հարկավոր է 40 միավոր (10 տարվա աշխատանք):

Եթե Դուք դադարեք աշխատել նախքան նպաստների համար որակավորվելու համար բավարար միավոր ունենալը, միավորները կմնան Ձեր Social Security գրառումների մեջ: Եթե ավելի ուշ վերադառնաք աշխատանքի, Դուք կարող եք լրացուցիչ միավորներ ավելացնել՝ որակավորվելու համար: Մենք չենք կարող վճարել որևէ կենսաթոշակային նպաստներ, մինչև Դուք միավորների անհրաժեշտ քանակություն չունենաք:

### Որքա՞ն կլինեն Ձեր կենսաթոշակային նպաստները

Մենք հիմնում ենք Ձեր նպաստի վճարումը այն հանգամանքի վրա, թե որքան եք վաստակել Ձեր աշխատանքային կարիերայի ընթացքում: Կյանքի ընթացքում ավելի շատ վաստակը հանգեցնում է ավելի բարձր նպաստների: Եթե լինեն տարիներ, որք Դուք չեք աշխատել կամ ցածր եկամուտ եք ունեցել, Ձեր նպաստի գումարը կարող է ավելի ցածր լինել, քան եթե Դուք հաստատուն շարունակաբար աշխատել եք:

Ձեր նպաստների վրա ազդում է նաև Ձեր թոշակի անցնելու տարիքը: Եթե թոշակի անցնեք 62 տարեկանում՝ Social Security թոշակի անցնելու ամենավաղ տարիքը,

Ձեր նպաստներն ավելի ցածր կլինեն, քան եթե սպասեք: Էջ 3 ավելի մանրամասն է բացատրում այս քաղաքականությունը:

## Առցանց my Social Security հաշիվ

Այժմ Դուք կարող եք հիմնել անվտանգ առցանց my Social Security հաշիվ: Այն թույլ է տալիս Ձեզ տեսնել Ձեր Social Security հայտարարագիրը՝ Ձեր եկամուտները ստուգելու և Ձեր նպաստների նախնական հաշվարկը իմանալու համար: Դուք կարող եք նաև օգտվել Ձեր առցանց my Social Security հաշվից՝ Social Security համարի քարտի փոխարինում խնդրելու համար (մատչելի է որոշ նահանգներում և District of Columbia-ում): Եթե Դուք նպաստներ եք ստանում, Դուք կարող եք նաև՝

- Ստանալ Ձեր նպաստների հաստատման նամակ,
- Փոխել Ձեր հասցեն և հեռախոսահամարը,
- Խնդրել Medicare քարտի փոխարինում,
- Խնդրել SSA-1099 կամ SSA-1042S փոխարինում հարկերի սեզոնի համար, կամ
- Սկսել կամ փոխել Ձեր ուղղակի ավանդը:

Դուք կարող եք ստեղծել my Social Security հաշիվ, եթե Դուք 18 կամ ավել տարեկան եք, ունեք Social Security համար և վավերական ԱՄՆ փոստային հասցե և էլ. հասցե: Հաշիվ ստեղծելու համար այցելեք **[www.socialsecurity.gov/myaccount](http://www.socialsecurity.gov/myaccount)**: Ձեր ինքնությունը հաստատելու համար Դուք պետք է տրամադրեք որոշ անձնական տեղեկություններ: Ձեզանից կխնդրեն ընտրել օգտանուն և գաղտնաբառ, որից հետո՝ Ձեր էլ. Փոստի հասցեն: Դուք պետք է ընտրեք, թե ինչպես եք ցանկանում ստանալ մեկանգամյա անվտանգության կոդը՝ տեքստային հաղորդագրություն ստացող բջջային հեռախոսով կամ գրանցված էլ. հասցեով, որը Դուք պետք է մուտքագրեք Ձեր հաշիվը ստեղծելու համար: Յուրաքանչյուր անգամ, երբ Դուք գրանցվում եք Ձեր օգտանունով և գաղտնաբառով, մենք կուղարկենք Ձեզ մեկանգամյա անվտանգության կոդ Ձեր

բջջային հեռախոսին կամ Ձեր էլ. հասցեին: Այս անվտանգության կողմ մեր ուժեղացված անվտանգության միջոցառումներից է՝ Ձեր անձնական տվյալները պաշտպանելու համար: Հիշեք, որ կարող են կիրառվել Ձեր բջջային կապի մատակարարի տեքստային հաղորդագրության և տվյալներիսակագներ:

## Մտացեք Ձեր անհատականացված կենսաթոշակային նպաստների նախահաշվարկը

Դուք կարող եք օգտվել մեր առցանց *Կենսաթոշակային նախահաշվարկողից՝* անմիջապես և անհատականացված կենսաթոշակային նպաստների նախահաշվարկ ստանալու համար, որպես օգնություն Ձեր կենսաթոշակը պլանավորելու հարցում: Առցանց *Կենսաթոշակային նախահաշվարկողը՝* հարմար և անվտանգ ֆինանսական պլանավորման գործիք է, որը բացառում է եկամտի մասին տեղեկությունների ձեռքով մուտքագրելու անհրաժեշտությունը: Նախահաշվարկողը նաև հնարավորություն է տալիս ստեղծել “ինչ կլինի, եթե” սցենարներ: Օրինակ, Դուք կարող եք փոխել Ձեր “աշխատել դադարելու” ժամկետները կամ ապագայում ակնկալվող եկամուտները՝ կենսաթոշակի անցնելու տարբեր տարբերակներ ստեղծելու և համեմատելու համար:

Լրացուցիչ տեղեկությունների համար ընթերցեք Կենսաթոշակային առցանց նախահաշվարկող (Հրատարակություն No. 05-10510), հրապարակումը կամ այցելեք մեր կայքը՝ [www.socialsecurity.gov/estimator](http://www.socialsecurity.gov/estimator).

## Լրիվ կենսաթոշակային տարիք

Եթե Դուք ծնվել եք 1951թ. կամ դրանից առաջ, Դուք արդեն իրավունակ եք լրիվ Social Security նպաստների համար: Եթե Դուք ծնվել եք 1943-ից մինչև 1954թթ., լրիվ կենսաթոշակային տարիքն է 66 տարեկանը: Եթե Դուք ծնվել եք 1955-ից մինչև 1960թթ., լրիվ կենսաթոշակային տարիքն է 67 տարեկանը: 1960թ. կամ ավելի ուշ

ծնվածների համար լրիվ կենսաթոշակային նպաստները կվճարվեն 67 տարեկանում: Հետևյալ աղյուսակում նշված են լրիվ կենսաթոշակային տարիքը՝ ըստ ծննդյան տարվա:

Լրիվ Social Security նպաստներ ստանալու տարիքը	
Ծննդյան տարի	Լրիվ կենսաթոշակային տարիք
1943-1954	66
1955	66 և 2 ամիս
1956	66 և 4 ամիս
1957	66 և 6 ամիս
1958	66 և 8 ամիս
1959	66 և 10 ամիս
1960 và sau đó	67

**ԾԱՆՈՒԹՈՒՄ:** Որևէ տարվա հունվարի 1-ին ծնված անձանց համար այն հաշվարկվում է ըստ նախորդ տարվա:

**ԾԱՆՈՒԹՈՒՄ.** Անգամ եթե լրիվ թոշակի անցնելու տարիքն այլևս 65 չէ, Դուք պետք է գրանցվեք Medicare համար Ձեր 65-րդ տարեդարձից երեք ամիս առաջ: Լրացուցիչ տեղեկությունների համար տես էջ 10:

## Վաղաժամ թոշակի անցում

Դուք կարող եք Social Security կենսաթոշակային նպաստների ստանալ 62 տարեկանից: Սակայն, մենք կկրճատենք Ձեր նպաստների գումարը, եթե Դուք թոշակի անցնեք նախքան լրիվ կենսաթոշակային տարիքի հասնելը: Օրինակ՝ եթե Դուք 62 տարեկան դառնաք 2018թ. Ձեր նպաստը կլինի մոտ 26.7 տոկոսով ցածր, քան այն կլիներ Ձեր լրիվ կենսաթոշակային տարիքին՝ 66 տարեկան և 4 ամսական:

Որոշ մարդիկ դադարում են աշխատել նախքան 62 տարեկանը: Սակայն եթե նրանք դա անեն, առանց եկամտի տարիները հավանաբար կնշանակեն ավելի ցածր Social Security նպաստ, երբ նրանք թոշակի անցնեն:

**ԾԱՆՈՒՑՈՒՄ.** Երբեմն առողջական խնդիրները ստիպում են մարդկանց ավելի վաղ տարիքում թոշակի անցնել: Եթե չեք կարող աշխատել առողջական խնդիրների պատճառով, փորձեք դիմել Social Security հաշմանդամության նպաստների համար: Հաշմանդամության նպաստների գումարը միևնույնն է, ինչ լրիվ, չկրճատված կենսաթոշակային նպաստին: Եթե լրիվ կենսաթոշակային տարիքի հասնելիս Դուք ստանում եք Social Security հաշմանդամության նպաստներ, մենք կտեղափոխենք այդ նպաստները կենսաթոշակային նպաստներով: Լրացուցիչ տեղեկությունների համար ընթերցեք Հաշմանդամության նպաստներ (Հրատարակություն No. 05-10029-AM):

## Հետաձգված թոշակի անցում

Դուք կարող եք որոշել աշխատել Ձեր լրիվ կենսաթոշակային տարիքին հասնելուց հետո: Եթե դա անեք, Դուք կարող եք ավելացնել Ձեր ապագա Social Security նպաստներն երկու եղանակով:

Յուրաքանչյուր լրացուցիչ տարի, որ աշխատում եք, ավելացնում է մեկ տարվա եկամուտ Ձեր Social Security արձանագրություններում: Կյանքի ընթացքում վաստակած ավելի մեծ եկամուտը կարող է նշանակել ավելի մեծ նպաստներ թոշակի անցնելիս:

Բացի այդ, Ձեր նպաստը կավելացնի հատուկ տոկոսը Ձեր լրիվ կենսաթոշակային տարիքից մինչև Դուք սկսեք նպաստներ ստանալ կամ մինչև դառնաք 70 տարեկան: Տոկոսը տարբեր է կախված Ձեր ծննդյան տարվանից: Օրինակ, եթե Դուք ծնվել եք 1943-ին կամ ավելի ուշ, մենք Ձեր նպաստին կավելացնենք 8 տոկոս լրիվ կենսաթոշակային տարիքին հասնելուց հետո Social Security նպաստներ ստանալու ուշացրած յուրաքանչյուր տարվա համար:

**ԾԱՆՈՒՑՈՒՄ.** Եթե որոշեք հետաձգել Ձեր թոշակի անցնելը, **անկայման գրանցվեք Medicare-ի համար 65 տարեկանում:** Որոշ

դեպքերում, բժշկական ապահովությունը ավելի թանկ է լինում, եթե ուշացնեք դիմել դրա համար: Medicare-ի մասին այլ տեղեկություններ կարելի է գտնել էջ 10:

## Թոշակի անցնելու ժամանակն որոշելը

Թոշակի անցնելու ժամանակն որոշելը կարևոր և անձնական որոշում է: Անկախ նրանից, թե որ տարիքում եք անցնում թոշակի, նախապես կապվեք Social Security -ի հետ՝ Ձեր ընտրություններն իմանալու և լավագույն որոշումը կայացնելու համար: Երբեմն, կենսաթոշակի անցնելու ամսի վերաբերյալ Ձեր որոշումը կարող է նշանակել ավելի բարձր նպաստի վճարումներ Ձեր և Ձեր ընտանիքի համար:

Social Security փոխարինում է աշխատողի նախքան թոշակի անցնելու եկամտի մի մասը՝ հիմնվելով Ձեր կյանքի ընթացքում վաստակածի վրա: Ձեր միջին աշխատավարձի գումարը, որը փոխարինում են Social Security կենսաթոշակային նպաստները, տարբեր են՝ կախված Ձեր վաստակած գումարից և թե երբ եք որոշել նպաստներ ստանալ: Եթե Դուք սկսում եք նպաստները 67 տարեկան հասակում, այս տոկոսը տատանվում է շատ ցածր վաստակողների մոտ 75 տոկոսով և միջին վաստակողների մոտ՝ 40 տոկոսով, իսկ բարձր վաստակողների մոտ՝ 27 տոկոսով: Եթե Դուք նպաստները սկսեք ստանալ 67 տարեկանից առաջ, այս տոկոսն ավելի ցածր կլինի, իսկ 67 տարեկանից հետո՝ ավելի բարձր: Ֆինանսական խորհրդատուների մեծ մասն ասում են, որ Ձեզ հարկավոր է նախքան թոշակի անցնելու եկամտի մոտ 70 տոկոսը, որպեսզի թոշակի անցնելուց հետո հարմարավետ ապրեք, ներառյալ՝ Ձեր Social Security նպաստները, ներդրումները և անձնական ինսայդդությունները: Social Security կենսաթոշակային նպաստներ ստանալու ժամկետների մասին մտածելիս՝ այլ գործոնները նկատի առնելու վերաբերյալ լրացուցիչ տեղեկությունների

համար ընթերցեք *Ձեր կենսաթոշակային ստուգացանկը* (Հրատարակություն No. 05-10377):

Դուք պետք է դիմեք նպաստների համար նպաստները սկսվելու ամսաթվից մոտ չորս ամիս առաջ: Եթե Դուք պատրաստ չեք թոշակի անցնելու, սակայն մտածում եք ավելի շուտով այդ անել, Դուք պետք է այցելեք Social Security կայքը, որպեսզի օգտվեք *Կենսաթոշակային պլանավորողից՝ [www.socialsecurity.gov/benefits](http://www.socialsecurity.gov/benefits):*

### **Կենսաթոշակային նպաստներ այրի կանանց և տղամարդկանց համար**

Այրի կանայք և տղամարդիկ կարող են սկսել ստանալ Social Security նպաստները 60 տարեկանում կամ 50 տարեկանում, եթե հաշմանդամ են: Այրի կանայք և տղամարդիկ կարող են ստանալ կրճատված նպաստներ մեկ արձանագրության հիման վրա, և հետո փոխվեն լրիվ նպաստների՝ մեկ այլ արձանագրության հիման վրա: Օրինակ՝ այրի կինը կարող է ստանալ այրի կնոջ կրճատված նպաստ 60 կամ 62 տարեկանում և փոխվել իր սեփական լրիվ կենսաթոշակային նպաստի լրիվ կենսաթոշակային տարիքին հասնելով: Ձեր ընտրությունների վերաբերյալ Դուք պետք է խոսեք Social Security-ի հետ, քանի որ Ձեր պահանջի համար կանոնները կարող են տարբեր լինել:

### **Ընտանեկան նպաստներ**

#### **Նպաստներ ընտանիքի անդամների համար**

Եթե Դուք ստանում եք Social Security կենսաթոշակային նպաստներ, Ձեր ընտանիքի որոշ անդամներ կարող են նույնպես նպաստներ ստանալ, ներառյալ՝

- 62 կամ ավելի տարեկան կինը/ամուսինը,
- 62 տարեկանից պակաս կինը/ամուսինը, եթե ինսամում է Ձեր արձանագրության համար իրավունակ 16-ից ցածր կամ հաշմանդամ երեխային,

- Նախկին կինը/ամուսինը, եթե 62 տարեկան կամ բարձր է (Տես “Նպաստներ ամուսնալուծված կնոջ/ամուսնու համար” էջ 7),
- Մինչև 18 տարեկան երեխաները կամ մինչև 19 տարեկան լրիվ դրույքով աշակերտները, ովքեր դեռևս չեն ավարտել ավագ դպրոցը, և
- Հաշմանդամ երեխաները, անգամ եթե նրանք 18 տարեկանից բարձր են:

Եթե Դուք երեխայի ծնող դառնաք (ներառյալ որդեգրված երեխայի), այն բանից հետո, երբ սկսել եք նպաստներ ստանալ, տեղեկացրեք մեզ երեխայի մասին: Դրանից հետո մենք կորոշենք, թե արդյոք երեխան իրավունակ է նպաստների համար:

### **Ամուսնու/կնոջ նպաստներ**

Երբեք չաշխատած կամ ցածր եկամուտ ունեցած կինը/ամուսինը կարող է ստանալ թոշակի անցած աշխատողի լրիվ նպաստի մինչև կեսը: Եթե Դուք իրավունակ եք և՛ Ձեր, և՛ Ձեր ամուսնու/կնոջ կենսաթոշակային նպաստների համար, մենք միշտ սկզբում վճարում ենք Ձեր նպաստները: Եթե որպես կին/ամուսին, Ձեր նպաստներն ավելի բարձր են, քան Ձեր սեփական կենսաթոշակային նպաստը, Դուք կստանաք նպաստների համակցություն, որը հավասար է կնոջ/ամուսնու ավելի բարձր նպաստի:

#### *Օրինակ՝*

*Մերի Էնը որակավորվում է \$250 կենսաթոշակային նպաստի և \$400 կնոջ/ամուսնու նպաստի համար: Իր լրիվ կենսաթոշակային տարիքին, նա կստանա իր սեփական \$250 կենսաթոշակային նպաստը: Մենք կավելացնենք նաև \$150 իր ամուսնու նպաստից՝ ընդամենը \$400 կազմելու համար: Եթե նա վերցնի իր կենսաթոշակային նպաստը նախքան լրիվ կենսաթոշակային տարիքը, մենք կկրճատենք երկու նպաստները:*

Եթե Դուք առնվազն լրիվ կենսաթոշակային տարիքում եք և որակավորվում եք Ձեր սեփական կենսաթոշակային նպաստների, ինչպես նաև Ձեր կնոջ/ամուսնու (կամ ամուսնալուծված կնոջ/ամուսնու) նպաստների համար, Դուք կարող եք սահմանափակել Ձեր դիմումը, դիմել մեկ նպաստի համար և հետաձգել մեկ այլի համար դիմելը մինչև ավելի ուշ ժամկետը:

2015թ.-ին ընդունված օրենքի համաձայն 1954թ. հունվարի 2-ին կամ դրանից հետո ծնված անձինք այլևս չունեն այս ընտրությունը: Եթե նրանք իրավունակ են և՛ իրենց սեփական, և՛ իրենց կնոջ/ամուսնու (կամ ամուսնալուծված կնոջ/ամուսնու) նպաստների համար, նրանք պետք է դիմեն միասին երկու նպաստների համար: Սա կոչվում է “ենթադրվող դիմում”:  
Եթե Դուք դիմում եք մեկ նպաստի համար, Դուք “ենթադրվում է”, որ դիմում եք նաև մյուսի համար, անգամ եթե Դուք իրավունակ կդառնաք միայն որոշ ժամանակ անց:

Եթե Դուք կենսաթոշակ եք ստանում մի աշխատանքի հիման վրա, որի համար Դուք Social Security հարկեր չեք վճարել, մենք կարող են կրճատել Ձեր կնոջ/ամուսնու նպաստները: Լրացուցիչ տեղեկություններ Social Security-ի կողմից չապահովված աշխատանքային թոշակների մասին կարելի է գտնել էջ 9:

Եթե կինը/ամուսինը ստանում է Social Security կենսաթոշակային նպաստներ նախքան լրիվ կենսաթոշակային տարիքի հասնելը, մենք կկրճատենք նպաստը: Գումարը, որով կկրճատվի նպաստը կախված է նրանից, թե երբ է անձը հասնելու լրիվ կենսաթոշակային տարիքի:

#### Օրինակ`

- Եթե լրիվ կենսաթոշակային տարիքը 65 է, կինը/ամուսինը կարող է ստանալ աշխատողի չկրճատված նպաստի 37.5 տոկոսը 62 տարեկանում,

- Եթե լրիվ կենսաթոշակային տարիքը 66 է, կինը/ամուսինը կարող է ստանալ աշխատողի չկրճատված նպաստի 35 տոկոսը 62 տարեկանում,
- Եթե լրիվ կենսաթոշակային տարիքը 67 է, կինը/ամուսինը կարող է ստանալ աշխատողի չկրճատված նպաստի 32.5 տոկոսը 62 տարեկանում,

Նպաստն ավելանում է ավելի մեծ տարիքում լրիվ կենսաթոշակային տարիքում հասնելով 50 տոկոսի: Եթե լրիվ կենսաթոշակային տարիքն այստեղ ցույց չի տրված, 62 տարեկանում նպաստը կլինի 32.5-ից մինչև 37.5 տոկոս:

Ձեր կինը/ամուսինը կարող է ստանալ լրիվ նպաստներ, անկախ տարիքից, եթե նա ինամում է Ձեր արձանագրության հիման վրա իրավունակ երեխային: Երեխան պետք է 16 տարեկանից պակաս կամ հաշմանդամ լինի (մինչև 22 տարեկանը):

**ԾԱՆՈՒԹՈՒՄ.** Ձեր ներկայիս կինը/ամուսինը չի կարող կնոջ/ամուսնու նպաստ ստանալ մինչև Դուք չդիմեք կենսաթոշակային նպաստների համար:

#### Երեխաների նպաստներ

Ձեր կախյալ երեխան կարող է նպաստներ ստանալ Ձեր եկամտի արձանագրությունների հիման վրա, երբ Դուք սկսեք ստանալ Ձեր Social Security կենսաթոշակային նպաստները: Ձեր երեխան կարող է ստանալ Ձեր լրիվ նպաստի մինչև կեսը:

Նպաստներ ստանալու համար Ձեր երեխան պետք է ամուսնացած չլինի և՛

- 18 տարեկանից պակաս լինի,
- 18-19 տարեկան և լրիվ դրույքով ուսանող լինի (12-րդ դասարանից ոչ բարձր); կամ
- 18 կամ ավելի բարձր տարիքի և հաշմանդամ դարձաց մինչև 22 տարեկանը:

Որոշակի հանգամանքներում, մենք կարող ենք նպաստներ վճարել նաև խորթ երեխային, թոռնիկին, խորթ թոռնիկին կամ որդեգրված երեխային:

**ԾԱՆՈՒՑՈՒՄ.** Հաշմանդամ երեխաները, ում ծնողները սահմանափակ եկամուտ կամ հևարավորություններ ունեն, կարող են իրավունակ լինել Supplemental Security Income նպաստների համար: Լրացուցիչ տեղեկությունների համար այցելեք մեր կայքը կամ զանգահարեք մեր անվճար հեռախոսահամարով:

### **Առավելագույն ընտանեկան նպաստներ**

Եթե Դուք Social Security-ի համար իրավունակ երեխաներ ունեք, յուրաքանչյուրը կստանա Ձեր լրիվ նպաստի միկն կեսը: Սակայն, գոյություն ունի Ձեզ և Ձեր ընտանիքին վճարվող գումարի սահմանափակում: Այս սահմանափակումը Ձեր սեփական նպաստի վճարման 150-ից 180 տոկոսն է: Եթե Ձեր կնոջ/ամուսնու և երեխաների շնորհիվ ընդհանուր նպաստների գումարը գերազանցում է սահմանափակումը, մենք կկրճատենք նրանց նպաստները: Ձեր նպաստների վրա դա ազդեցություն չի ունենա:

### **Նպաստներ ամուսնալուծված կնոջ/ամուսնու համար**

Ձեր ամուսնալուծված կինը/ամուսինը կարող է նպաստներ ստանալ Ձեր Social Security արձանագրությունների հիման վրա, եթե ամուսնությունը տևել է առնվազն 10 տարի: Ձեր ամուսնալուծված կինը/ամուսինը պետք է լինի 62 կամ ավելի տարեկան և չամուսնացած:

Իր ստացած նպաստները չեն ազդում Ձեր կամ Ձեր ներկայիս կնոջ/ամուսնու ստացած նպաստների գումարի վրա:

Բացի այդ, Ձեր նախորդ կինը/ամուսինը կարող է նպաստներ ստանալ անգամ եթե Դուք դեռ թոշակի չեք անցել: Դուք երկուսդ էլ պետք է լինեք առնվազն 62 տարեկան և ամուսնալուծված առնվազն երկու տարի:

Ինչ է պետք իմանալ, երբ իրավունակ եք կենսաթոշակային նպաստների համար

### **Ինչպե՞ս կարող եք գրանցվել Social Security-ի համար**

Դուք կարող եք կենսաթոշակային նպաստների համար դիմել առցանց՝ **[www.socialsecurity.gov](http://www.socialsecurity.gov)** հասցեով կամ զանգահարել մեր անվճար հեռախոսահամարով **1-800-772-1213** (TTY **1-800-325-0778**): Կարող եք նաև ժամադրություն նշանակել որևէ Social Security գրասենյակ այցելելու համար և դիմել անձամբ:

Ձեր իրավիճակից կախված՝ Ձեզ անհրաժեշտ կլինեն ստորև նշված փաստաթղթերից մի քանիսը կամ բոլորը: Մի ուշացրեք նպաստների համար դիմելը, եթե Դուք չունեք բոլոր տեղեկությունները: Եթե Դուք չունեք անհրաժեշտ փաստաթուղթը, մենք կարող ենք օգնել Ձեզ այն ստանալու հարցում:

Ձեր անհրաժեշտ տեղեկություններն ու փաստաթղթերը ներառում են՝

- Ձեր Social Security համարը,
- Ձեր ծննդյան վկայականը,
- Վերջին տարվա Ձեր W-2 ձևաթղթերը կամ ինքնագրավածության հարկային հայտարարագիրը,
- Չինվորական ծառայությունից ազատվելու փաստաթղթերը, եթե զինվորական ծառայության եք եղել,
- Ձեր կնոջ/ամուսնու ծննդյան վկայականը և Social Security համարը եթե դիմում են նպաստների համար,

- Ձեր երեխաների ծննդյան վկայականները և Social Security համարները, եթե դիմում եք երեխաների նպաստների համար,
- U.S. քաղաքացիության կամ օրինական ներգաղթյալի կարգավիճակի ապացույց, եթե Դուք (կամ նպաստի համար դիմող կինը/ամուսինը կամ երեխան) չեք ծնվել United States-ում, և
- Ֆինանսական հաստատության անունը, կոդը և հաշվի համարը՝ ուղիղ փոխանցման համար: Եթե ֆինանսական հաստատությունում հաշիվ չունեք, կամ եթե նախընտրում եք Ձեր նպաստները ստանալ կանխավճարային բանկային քարտի վրա, Դուք կարող եք ստանալ Direct Express® քարտ: Լրացուցիչ տեղեկությունների համար այցելեք **[www.GoDirect.org](http://www.GoDirect.org)**:

Դուք պետք է ներկայացնեք փաստաթղթերի բնօրինակները կամ դրանք տվող գրասենյակի կողմից վավերացված կրկնօրինակները: Դուք կարող եք դրանք փոստով ուղարկել կամ անձամբ բերել Social Security: Մենք Ձեր փաստաթղթերը կպատճենահանենք և կվերադարձնենք:

### **Բողոքարկելու իրավունք**

Եթե Դուք համաձայն չեք Ձեր պահանջի վերաբերյալ կայացրած որոշման հետ, Դուք կարող եք բողոքարկել այն: Ձեզ համար հասանելի քայլերի բացատրության համար ընթերցեք *Բողոքարկման գործընթացը* (Հրատարակություն No. 05-10041-AM):

Դուք կարող եք ինքներդ հանդես գալ Ձեր բողոքարկման համար՝ Social Security-ից անվճար օգնությամբ, կամ կարող եք ներկայացուցիչ ունենալ, որ օգնի Ձեզ: Մենք կարող ենք Ձեզ տեղեկություններ տրամադրել այն կազմակերպությունների մասին, ովքեր կարող են օգնել Ձեր ներկայացուցիչ գտնելու հարցում: Ներկայացուցիչ ընտրելու վերաբերյալ լրացուցիչ տեղեկությունների համար ընթերցեք *Ներկայացված լինելու Ձեր իրավունքը* (Հրատարակություն No. 05-10075-AM):

### **Եթե Դուք աշխատում և միևնույն ժամանակ նպաստներ եք ստանում**

Դուք կարող եք շարունակել աշխատել և դեռևս ստանալ կենսաթոշակային նպաստներ: Թոշակային տարիքին հասնելու ամսվա (կամ դրանից հետոյի) եկամուտները չեն կրճատի Ձեր Social Security նպաստները: Սակայն, մենք կկրճատենք Ձեր նպաստները, եթե Ձեր եկամուտները գերազանցեն որոշակի սահմանները կենսաթոշակային տարիքին հասնելուն նախորդող ամիսների համար: (Ձեր լրիվ թոշակի անցնելու տարիքը տեսեք աղյուսակը էջ 3:)

*Ահա թե ինչպես է այն աշխատում.*

Եթե Դուք կենսաթոշակային տարիքից երիտասարդ եք, մենք նպաստից կկրճատենք \$1 տարեկան սահմանափակումը գերազանցող յուրաքանչյուր \$2-ի համար:

Այն տարին, երբ Դուք հասնեք Ձեր լրիվ թոշակային տարիքին, մենք նպաստից կկրճատենք \$1 տարեկան սահմանափակումը գերազանցող յուրաքանչյուր \$3-ի համար: Այս կրճատումը շարունակվում է մինչև Ձեր լրիվ թոշակային տարիք հասնելը: Երբ Դուք հասնեք Ձեր լրիվ կենսաթոշակային տարիքի, Դուք կարող եք շարունակել աշխատել, և մենք չենք կրճատի Ձեր Social Security նպաստները՝ անկախ Ձեր վաստակած գումարի չափից:

Եթե հետագայում Ձեր եկամուտը ավելի ցածր կամ բարձր լինի հաշվարկային գումարից, հնարավորինս շուտ տեղեկացրեք մեզ, և մենք կկարողանանք ուղղումներ մտցնել Ձեր նպաստներում:

### **Հատուկ ամսական կանոն**

Հատուկ ամսական կանոն է կիրառվում մեկ տարվա եկամուտների վրա, հիմնականում, կենսաթոշակի անցնելու առաջին տարվա համար: Այս կանոնի համաձայն՝ Դուք կարող եք ամբողջությամբ ստանալ Social Security նպաստները որևէ ամսվա համար, երբ



վաստակել եք որոշակի սահմանափակումից պակաս, անկախ Ձեր տարեկան եկամտի չափից:

Եթե Ձեզ հավելյալ տեղեկություններ են հարկավոր, թե ինչպես են Ձեր եկամուտներն ազդում Ձեր կենսաթոշակային նպաստների վրա, ընթերցեք *Ինչպես է աշխատանքն ազդում Ձեր նպաստների վրա (Հրատարակություն No. 05-10069-AM)*: Այս գրքուկում ներկայացվում է ներկայիս տարեկան և ամսական եկամուտների սահմանափակումների ցանկը:

### **Ձեր նպաստները կարող են հարկվել**

Social Security նպաստներ ստացող անձանց մոտ 40 տոկոսը պարտավոր են հարկեր վճարել իրենց նպաստների դիմաց: Օրինակ՝

- Եթե Դուք դաշնային հարկային հայտարարագիրը ներկայացնում եք որպես “անհատ” և Ձեր համակցված եկամուտը\* \$25,000 մինչև \$34,000 է, Դուք միգուցե ստիպված լինեք հարկեր վճարել Ձեր Social Security նպաստների մինչև 50 տոկոսի համար: Եթե Ձեր համակցված եկամուտը\* \$34,000-ից ավելի է, Ձեր Social Security-ի նպաստների մինչև 85 տոկոսն ենթակա է հարկման:
- Եթե Դուք միասնական եկամտահարկ եք ներկայացնում, Դուք պետք է վճարեք հարկերը Ձեր եկամտի 50 տոկոսի հիման վրա, եթե Ձեր և Ձեր կնոջ/ամուսնու ընդհանուր եկամուտը\* \$32,000-ի \$44,000 է: Եթե Ձեր համակցված եկամուտը\* \$44,000-ից ավելի է, Ձեր Social Security-ի նպաստների մինչև 85 տոկոսն ենթակա է հարկման:
- Եթե ամուսնացած եք և առանձին հայտարարագրեր եք ներկայացնում, Դուք հավանաբար հարկեր եք վճարելու Ձեր նպաստների դիմաց:

Յուրաքանչյուր տարվա վերջին մենք փոստով կուղարկենք Ձեզ *Social Security նպաստի հայտարարագիրը* (Ձևաթուղթ SSA-1099), որտեղ նշված կլինի Ձեր ստացած

նպաստների գումարը: Օգտագործեք այս հայտարարագիրը Ձեր դաշնային եկամտահարկերի հայտարարագիրը լրացնելու համար, որպեսզի տեսնեք, թե արդյոք հարկ պետք է վճարեք Ձեր նպաստների դիմաց:

Չնայած պարտադիր չէ, որպեսզի Social Security հետ պահի Ձե դաշնային հարկերը, Ձեզ համար դա միգուցե ավելի հեշտ լինի, քան եռամսյակային նախահաշվարկված հարկային վճարումներ վճարելը:

Լրացուցիչ տեղեկությունների համար զանգահարեք *Ներքին եկամուտների ծառայության 1-800-829-3676* անվճար հեռախոսահամարով՝ Հրատարակություն 554, *Հարկային ուղեցույց տարեցների համար, և Հրատարակություն 915, Social Security և համարժեք Railroad Retirement Benefits* խնդրելու համար:

\* 1040 հարկային հայտարարագրում Ձեր “համակցված եկամուտը” Ձեր ճշգրտված համախառն եկամուտի, չհարկվող տոկոսի և Ձեր Social Security նպաստների կեսի գումարն է:

### **Կենսաթոշակներ Social Security-ի կողմից չվճարվող աշխատանքի համար**

Եթե Դուք թոշակ եք ստանում աշխատանքից, որի համար Դուք վճարեք եք Social Security հարկեր, այդ թոշակը չի ազդի Ձեր Social Security նպաստների վրա: Այնուամենայնիվ, եթե Դուք ծերության կամ հաշմանդամության թոշակ եք ստանում Social Security-ի կողմից չվճարվող աշխատանքից, օրինակ՝ դաշնային քաղ. ծառայություն, որոշ նահանգային կամ տեղական պետական աշխատանքներ կամ աշխատանք օտար երկրում, մենք միգուցե կրճատենք Ձեր Social Security նպաստը:

Social Security նպաստների համար իրենց կնոջ/ամուսնու անունից իրավունակ պետական աշխատողները լրացուցիչ տեղեկությունների համար կարող են ընթերցել *Պետական թոշակի հակակշիռ*

(Հրատարակություն No. 05-10007): Անձինք, ովքեր աշխատել են մեկ այլ երկրում կամ պետական աշխատողները, ովքեր նույնպես իրավունակ են իրենց սեփական Social Security նպաստների համար կարող են ընթերցել *Windfall Elimination դրույթ* (Հրատարակություն No. 05-10045):

### **Եթե Դուք հեռանաք Միացյալ Նահանգներից**

Եթե Դուք U.S. քաղաքացի եք, Դուք կարող եք ճամփորդել կամ ապրել արտասահմանյան երկրներից մեծ մասում՝ առանց Ձեր Social Security նպաստների վրա ազդեցության: Սակայն կան մի քանի երկրներ, ուր մենք չենք կարող ուղարկել Social Security վճարներ: Այս երկրներն են՝ Azerbaijan, Belarus, Cuba, Kazakhstan, Kyrgyzstan, Moldova, North Korea, Tajikistan, Turkmenistan, Ukraine և Uzbekistan.: Սակայն, մենք կարող են բացառություններ կատարել որոշ իրավունակ նպաստառուների համար Cuba-ից և North Korea-ից բացի այլ երկրների համար: Այս բացառությունների վերաբերյալ լրացուցիչ տեղեկությունների համար կապվեք Ձեր տեղական Social Security գրասենյակի հետ:

Եթե Դուք աշխատեք United States-ից դուրս, կկիրառվեն այլ կանոններ որոշելու համար, թե արդյոք Դուք կարող եք նպաստներ ստանալ:

Լրացուցիչ տեղեկությունների համար ընթերցեք *Ձեր վճարումները Միացյալ Նահանգներից դուրս գտնվելիս* (Հրատարակություն No. 05-10137):

### **Մի փոքր Medicare-ի մասին**

Medicare առողջության ապահովության ծրագիր է 65 կամ բարձր տարիքի անձանց համար: Անձինք, ովքեր հաշմանդամ են կամ ունեն երիկամային մշտական անբավարարություն կամ ամիոթրոֆիկ կողային սկլերոզ (Lou Gehrig-ի հիվանդություն), կարող են որևէ տարիքում ստանալ Medicare:

### **Ե՞րբ է հարկավոր դիմել Medicare-ի համար:**

Եթե Դուք դեռևս նպաստներ չեք ստանում, Դուք պետք է կապվեք Social Security Ձեր 65րդ տարեդարձից մոտ երեք ամիս առաջ, որպեսզի գրանցվեք Medicare-ի համար: Դուք պետք է գրանցվեք Medicare-ի համար անգամ եթե չեք պատրաստվում թոշակի անցնել 65 տարեկանից:

Եթե Դուք ստանում եք Social Security նպաստներ կամ Railroad Retirement Board նպաստներ, մենք Ձեզ հետ կկապվենք Medicare համար իրավունակ դառնալուց մի քանի ամիս առաջ և Ձեզ տեղեկություններ կուղարկենք: Եթե Դուք ապրում եք 50 նահանգներից մեկում, Washington, D.C., Northern Mariana Islands, Guam, American Samoa, կամ U.S. Virgin Islands, մենք ավտոմատ կերպով կանդամագրենք Ձեզ Medicare Մասեր A և B համար: Սակայն, քանի որ Դուք պետք է ապահովագրվեք Մաս B ապահովագրության համար, Դուք կարող եք մերժել այն:

Մենք ավտոմատ կերպով չենք անդամագրի Ձեզ Medicare դեղատոմսով դեղերի ծրագրին (Մաս D): Մաս D կամընտիր է, և Դուք պետք է ընտրեք այս ապահովագրությունը: Medicare-ի մասին ամենավերջին տեղեկությունների համար այցելեք կայքը կամ զանգահարեք ստորև նշված անվճար հեռախոսահամարով:

<b>Medicare</b>	Կայքը՝ <b>www.Medicare.gov</b> Անվճար հեռախոսահամարը՝ <b>1-800-MEDICARE</b> <b>(1-800-633-4227)</b> TTY համար՝ <b>1-877-486-2048</b>
-----------------	---

**ԾԱՆՈԹՈՒԹՅՈՒՆՆԵՐ.** Եթե Դուք իրավունակ դառնալիս չանդամագրվեք Մաս B և Մաս D-ի համար, Դուք հնարավոր է ուշացած անդամագրման տուգանք վճարեք այնքան ժամանակ, որքան ունեք Մաս B և Մաս D ապահովագրությունը:

Բացի այդ, Դուք հնարավոր է, որ սպասեք անդամագրման համար, ինչը կհետաձգի ապահովագրությունը:

*Puerto Rico-ի կամ արտասահմանյան երկրների բնակիչները ավտոմատ կերպով չեն ստանում Մաս B-ն: Նրանք պետք է ընտրեն այս նպաստը:*

## Եթե Դուք ունեք Health Savings Account (HSA)

Medicare-ի համար գրանցվելիս՝ եթե Դուք HSA ունեք, Դուք չեք կարող ներդնել Ձեր HSA-ի մեջ, երբ սկսվի Ձեր Medicare ապահովագրությունը: Եթե Դուք ներդրում կատարեք HSA մեջ Medicare ապահովագրությունը սկսվելուց հետո, Դուք կարող է հարկային տուգանք վճարեք: Եթե ցանկանում եք շարունակել ներդրում կատարել HSA-ում, Դուք չպետք է դիմեք Medicare, Social Security կամ Railroad Retirement Board (RRB) նպաստների համար:

**ՇԱՆՈՒՑՈՒՄ.** Ապահովագրի չունեցող Մաս A ապահովագրությունը սկսվում է Medicare (կամ Social Security/RRB նպաստներ) համար դիմելու ամսաթվից վեց ամիս առաջ, սակայն ոչ շուտ, քան Medicare-ի համար Ձեր իրավունակության առաջին ամիսը: Հարկային տուգանքից խուսափելու համար, Դուք պետք է դադարեք ներդրում կատարել Ձեր HSA-ին Medicare-ի համար դիմելուց առնվազն վեց ամիս առաջ:

## “Extra Help” Medicare-ի դեղատոմսով դեղերի արժեքների հետ կապված

Եթե Դուք սահմանափակ եկամուտ (դաշնային աղքատության մակարդակի համաձայն) և սահմանափակ հնարավորություններ ունեք, Դուք կարող եք որակավորվել Extra Help-ի համար, որպեսզի վճարեք Ձեր դեղատոմսով դեղերի համար Medicare Մաս D-ի ներքո: Այս ծրագրում Social Security-ի դերը հետևյալն է՝

- Օգնել Ձեզ հասկանալ, թե ինչպես կարող եք որակավորվել:

- Օգնել Ձեզ լրացնել Extra Help-ի դիմումը, և
- Մշակել Ձեր դիմումը:

Եթե Դուք դիմեք Extra Help-ի համար, մենք նաև կսկսենք դիմումը Medicare Կուտակային ծրագրերի համար, եթե Դուք մեզ չիսնդրեք դա չանել: Իմանալու համար, թե արդյոք որակավորվում եք կամ դիմելու համար զանգահարեք Social Security-ի անվճար հեռախոսահամարով կամ այցելեք մեր կայքը՝ [www.socialsecurity.gov/extrahelp](http://www.socialsecurity.gov/extrahelp) հասցեով:

## Օգնություն Medicare-ի այլ ծախսերի հարցում

Եթե Դուք քիչ եկամուտ և սահմանափակ հնարավորություններ ունեք, Ձեր նահանգը կարող է վճարել Ձեր Medicare ապահովագրությունը և, որոշ դեպքերում, այլ “գրպանից վճարվող” բժշկական ծախսերը, ինչպիսիք են՝ չապահովագրված գումարը, համավճարները և համաապահովագրությունը:

Միայն Ձեր նահանգը կարող է որոշել, թե արդյոք Դուք որակավորվում եք Medicare Կուտակային ծրագրերի ներքո օգնություն ստանալու համար: Դա պարզելու համար կապվեք Ձեր նահանգի կամ տեղական բժշկական օգնության (Medicaid) գործակալության կամ սոցիալական ծառայությունների գրասենյակի հետ:

## Medicare քաղկասած է չոքս մասից

- Medicare Մաս A (հիվանդանոցային ապահովագրություն) օգնում է վճարել ներսգրված հիվանդանոցային խնամքի և որոշ հետ-բուժական ծառայությունների համար:
- Medicare Մաս B (բժշկական ապահովագրություն) օգնում է վճարել բժիշկների ծառայությունների, ամբուլատոր հիվանդանոցային խնամքի կամ այլ բժշկական ծառայությունների համար:

- Medicare Մաս C (Medicare Advantage ծրագրեր) մատչելի են բազմաթիվ վայրերում: Medicare Մասեր A և B ունեցող անձինք կարող են ստանալ իրենց առողջապահական խնամքի բոլոր ծառայությունները այս ապահովագրությունը տրամադրող Medicare-ի կողմից հաստատված մասնավոր ապահովագրական ընկերություններից:

- Medicare Մաս D (Medicare դեղատոմսով դեղերի ապահովագրություն) օգնում է ապահովագրել դեղատոմսով դեղերի արժեքը:

Լրացուցիչ տեղեկությունների համար ընթերցեք Medicare (Publication No. 05-10043-AM):

## Կապ Հաստատել Սոցիալական Ապահովության Ծառայության հետ

Կան Սոցիալական Ապահովության Ծառայության հետ կապ հաստատելու տարբեր միջոցներ, այդ թվում առցանց, հեռախոսով և անձնապես: Մենք այստեղ ենք՝ Ձեր հարցերին պատասխանելու և Ձեզ սպասարկելու նպատակով: Ավելի քան 80 տարվա ընթացքում, Սոցիալական Ապահովությունը օգնում է ապահովելու այսօրվա և վաղվա օրը՝ միլիոնավոր մարդկանց տրամադրելով նպաստներ և ֆինանսական աջակցություն՝ իրենց կյանքի ճանապարհին:

### Այեցեկե՛ք մեր կայքէջը՝

Ցանկացած վայրից և ցանկացած ժամանակ Սոցիալական Ապահովության գործնետություն վարելու ամենհարմար եղանակը դա մեր՝ **www.socialsecurity.gov** կայքէջը այցելելն է: Այնտեղ Դուք կարող եք՝

- Ստեղծել *my Social Security account* (իմ Սոցիալական Ապահովություն անձնական էջը)՝ Ձեր *Social Security Statement (Սոցիալական Ապահովության հաշվետվությունը)* դիտելու, Ձեր հասույթը հավաստելու, նպաստների

հավաստագրության նամակը տպելու, Ձեր ուղղակի փոխանցման (direct deposit) վերաբերյալ տեղեկատվությունը փոխելու, Ձեր Medicare-ի քարտի փոխարինում հայցելու, SSA-1099/1042S փոխարինում ստանալու նպատակով և ավելին;

- Դիմել Extra Help (Օժանդակ օգնության) ծրագրին Medicare-ի դեղատոմսով տրամադրվող դեղորայքի ծրագրով նախատեսված ծախսերի համար/
- Դիմել կենսաթոշակի, հաշմանդամության և Medicare-ի նպաստների համար
- Գտնել մեր հրատարակությունների կրկնօրինակները
- Ստանալ պատասխաններ հաճախ տրվող հարցերին և
- Շատ ավելին

Նշված ծառայություններից որոշները հասանելի են միայն անգլերեն լեզվով: Այցելե՛ք մեր Multilanguage Gateway բաժինը (Բազմալեզու էջը)՝ Հայերեն լեզվով տեղեկատվություն ստանալու համար: Մենք տրամադրում ենք անվճար թարգմանչական ծառայություններ, որպեսզի օգնենք Ձեզ վարելու Ձեր Սոցիալական Ապահովության գործնետությունը: Տվյալ թարգմանչական ծառայությունները հասանելի են անկախ նրանից, թե Դուք դիմել եք մեզ հեռախոսով, թե այցելել եք Սոցիալական Ապահովության գրասենյակ:

### Հեռախոս

Եթե Դուք չունեք համացանցի (հնտերնետի) հասանելիություն, ապա հեռախոսի միջոցով մենք շատ ավտոմատացված ծառայություններ ենք առաջարկում՝ օրը 24 ժամ շաբաթը 7 օր: Չանգահարեք մեզ մեր անվճար՝ **1-800-772-1213** հեռախոսահամարով կամ մեր TTY (հեռատիպ)՝ **1-800-325-0778** հեռախոսահամարով՝ լսողության հետ խնդիրներ ունենալու դեպքում:

Եթե Դուք աշխատակցի հետ խոսելու կարիք ունեք, ապա մենք կարող ենք պատասխանել Ձեր զանգերին՝ Երկուշաբթիից Ուրբաթ ժամը առավոտյան 07:00-ից մինչև երեկոյան 19:00-ը: Մենք խնդրում ենք Ձեր համբերատարությունը ծանրաբեռնված շրջաններում, քանի որ Դուք կարող եք ունենալ սովորականից ավելի հաճախ ստացվող ծանրաբեռնվածության ազդանշան և ավելի երկար սպասելաժամանակ մեզ հետ խոսելու համար: Մենք ակնկալում ենք սպասարկել Ձեզ:



Securing today  
and tomorrow

**Social Security Administration**

Publication No. 05-10035-AM | January 2018

Կենսաթոշակային նպաստներ

Retirement Benefits (Armenian)

Produced and published at U.S. taxpayer expense

Կազմված և հրատարակված է ԱՄՆ հարկ վճարողների հաշվին: